

KBC THUSO

APRIL/LHATUN 2022

KUM
60
Ihina
So5og

Regd. No. 19134/88
<https://www.kbc.org.in> NAI/220/99
No-Cq/Regd. Magazine/
KBCThuso/MNP-B1



Pathen Mingailut

May Events

Nute Nikho - 08
Pastor Exchange - 1-31

"Kapa thereng eini pumkhat ihi bang a amaho jong pusikhat
ahitheina ding un. Nangman amahohi hong in"

John 17:11



L. Gamnomjang KBC Gambih No. 8 chu Nisim 20 March Rev. Dr. M. Thongkhosei Haokip in Lahlut na le phondoh na ana neitai.



Pay Revision Committee

Tujangvaichong Centre
Church chu Convention
Mother Church ding in
phondoh na 3rd April 22 in
Pu General Secretary
Rev. Dr. M. Thongkhosei
Haokip in ana neitai



CONTENTS

THUMAKAI HO

KUM KIPAT LE KUKITE	1
"PALM SUNDAY"/ <i>Rev. Onkho Haokip</i>	3
Hosanna' chungchang a lunggel/ <i>Rev. Onkho Haokip</i>	5
"Thingpel phatchomna"	7
Easter Sunday Message	10
GOOD FRIDAY HI FRIDAY/ <i>Rev. Dr. Satminlen Khongsai</i>	12
MISSION COLUMN	16
MEN DEPARTMENT REPORT	23
WOMEN COLUMN	26
YOUTH DEPARTMENT	27
MUSIC COMMITTEE	28
Tahsa leh Lhagao puihingthei THUGOLHO	35
Kuki Christian lah a AMASAPENHO	36

EDITORIAL BOARD

Chairman	: Rev. Tonglet Haokip, President KBC
Editor	: Dr. M. Thongkhosei Haokip, General Secretary
Joint Editor	: Rev. Lunkhosei Tuboi
Contributing Editors:	<ol style="list-style-type: none">1. Rev. Thongkholun Touthang2. Rev. Lamkeng Lhouvum3. Rev. Tongmang Haokip4. Ms. Tingneihing Kipgen5. Rev. Lunkhosei Tuboi6. Rev. T. Thangkhosei Haokip

Design & Layout - Hemkholen Haokip

Circular Manager - Ms. Vahboi Baite

Recorder Ms. Vahnunnen Haokip

THUSO LAHMAN

Church/Organisation/Department : Rs. 300/-

Individual : Rs. 200/- (Post a Rs. 250/-)

Indian Overseas Bank, Imphal Branch

A/C No. 073201000000350 IFSC No. IOBA0000732

The General Secretary,

Kuki Baptist Convention,

Opp. D.M. College, Imphal 795001, Manipur

email: kbcindia@rediffmail.com

Advertisement bolnom hon Mobile No 70895979446

Circulation to kisai lam Mobile No. 9862107393 bolding



KUM KIPAT LE KUKITE

EDITORIAL

Ihatmo laiyuvin aphat chan mi chonseho khelin ana thitan ahi. Mi chonpha chungchanga koima pouvin ahinna toh ponte; mi chonpha chungchanga ahinna tohngam jong mi khattou umkhat nante. Ahin Pathenin eingailutnau photchen-na eimusah un ahi; ajeh iham itileh eiho chonset a iumlai tah un Christa eiho khelin athitan ahi (Romans 5:8).

Amasatah in muntina um Kuki Christian chate jouse ahideh a KBC member ho jouse chunga iPakaiyu Jesu Christa minin salaam kahinpe cheh uve. Tulla ha thupi chu "Pathen mingailut" ahi toh kilhonin, ihoubung leh Ihangpi hinkhoa sahphat ding tampi lah a ngailutna hi jong poimo tah khat in kagelin ahi. Atah bah chun hiche hi vannoi mite a dinga kipana thu alenpen ahiye. Hiche article ah hin Kuki Christian telah a adeh a houbung sunga Pathen mi ngailut thudol chomcha kahin tahlang in ahi.

March nisim 2 (Wednesday) a pat a Aril 15 (Holy Saturday) gei hi ni 40 alhingin, hiche sung hi Lenten period tin akihen, houbung tampil hiche phat sunga an-ngol, taona leh Bible sim chu mi kithopina ahabol cheh nau ahiye. Bible a ni 40 kitihii poimo tah in akiseiye. Mose, Elijah chuleh Jesu'n ni 40 an angol; Israel ten Egypt dalha a Canaan gam ahin-jot nau chu kum 40 ana lut e; Ezekiel chu ajetlang

panga ni 40 jen alume; Saul, David, chuleh Solomon honk um 40 cheh lengvai anapoh u; Noah tuisang let chu ni 40 ana Ihing; Pathenin Jonah henga Ninevah chu ni 40 sunga kisuchim ding ahi tia seipeh. Adang tampi jong aume.

Hiche lent sunga hi Palm Sunday jong uma, hiche nikhoa pat a Easter Sunday gei chu Hapta theng (Holy Week) tia kiminsah ahiye. Sagonsem (Thursday) nikho chu Maundy Thursday akitin, hiche nilhah a chu Pakai yin asejuite toh jan an anehkhomnau melchihna a Jan-An jon (Lord's Supper) kibolji ahiye. Maundy kitu chu sappaova Mandate ahin, hiche Jesu Christa vannoiya ahung lona a bol dinga agel ho boldoh na dinga pan alah chu ahi. Tulaiya political party hon election kon leh mandate ahilou leh manifesto abolu tobanga Pakaiyin leiset a ahung lona, hi-chu mihem te leh Pathen kah a chamna sem chu ahi.

Hiche chum oh a kibol thei ahilou jeh a ama long atoa, mihon akidah le avetnem penu thingpel (Cross) a hung kikhenbeh a, nang leh kei chonset a thiding tasa ho khel a hung thia, ama thisan vanga ichonset u sopthenga auma, ama maha a idammonau leh iveisetna jouseu thoidama um ihitauve. Ama jalla Pa anga themchange ihitauvin, chonse chu chonse louva eikisimu ahitai. Hiche chu ahiye, Pathen mi ngailut agilje leh athuh je chu! Nang le kei hina a imu theiyu leh ichan theiyu ahipoi, Pathen mi lungset leh khoto vanga bou ahiye.

Hiche lungset chu nang leh keiyin jong aching dingga lomlouho jong ilungset theina diuva Pathen thil mohpeh chu ipehson diu ahiye. Lunglut tah a sim jouse chunga Pathen vangboh chang jing taken.





Rev. Onkho Haokip,
Pastor, Centre Church Neihsial Veng, KBC No. 8

SERMON/ARTICLE

Thubul

Palm Sunday hi Bible a Jesu le mipi angsung'a Lusuna tamtah kidop nikho chu ahi. Bible themho sei dungjuiyin hiche Lusuna hi galjona le kipa nikhoa kimang ahi. Palm Sunday nikhoa lusuna kidop hi Kum 483 masang apat Daniel gao thusei guilhunna jong ahi (Dan. 9:25) akitin Kitepna Thah sung'a Kipana Thupha (Gospel lekhabu) jousea kijih cheh ahi. Hiche thil so nikho hi Kalchuh Kut kibol na ding ni nga masang thilso ahin Jerusalem khopia kholjin mi mihem 3,00,000 vel kikhopna nikho ahi tin jong akihei. Hiche nikho loupitah hin Jesu le a seijuite chu Bethany kho akon in Jerusalem ajon uvin Jesu Sangan chung'ah atouvin mipi in lusuna ana dom uvin apon uleh theoboh jong lampiah ana phauvin ahi. Hiche nikho hi Jesu in Jerusalem akacham nikho jong ana ahi.



Thulai

Christian khat dingin Jesu Christa Jerusalem'a loupi tah'a alut'a mipi in ana lamtona thusim hi het hijeng dingin akilang'e. Hiche nikho chun Jesu'n seijui asol masa in sangan neite jah'a "Pakai in manna nom anei e," agatisah in hiche sangan chung'a chu touva Jerusalem lut anahin mipi tamtah in sangan le Ama sangtah'a ana lamto'u ahi. Sangan chu mia akithum ahi. Vanno leiset le asung a thil um jouse hi Pathen a ahin thil ijakai hi Ama sem ahin Amalouva kisemdoh khat jong umlou chu ahi. Ama ding in mi kom'a thil thum hih jongleb aboina ding imacha aumpoi. Anop phat phat'a thil akisem-doh'a adei dei akiboldoh jeng thei chu ahijing in ahi.

Ahinlah, Ama naosen'a ahung kizil chun Mary naobu ahin mang cha in, ahung pen lhah chun Bethlehem'a mi khat ganbuh le gan ankoung ahin mang in ahi. Mi 5000 val avahva ding chun chapang khat changlhah le nga ana mangin, lhachana atoh jinglai in Lazarus-te in kicholna

in ana mang jingin ahi. Pathen thu seina ding in Peter nga matna kong ana mangin, chonset khetbehna dingin chonsete/ Rome mite thingpel ana mangin chule kivuina in mi lhankhuh ana mangin ahi. Jesu in anop nop anei thei jeng hijongleh mi-hem akiphalho na atohsah nom jingin chule amaho chung a akipah thanom jing ti thugil loupi tah mudoh in aumin ahi.

Thugei hehna

Pakai in tucha'n in A-lenggam machalna ding in manchah ding angeh jing'e. Nei le gou, tha le jung, sum le pai, phat le nikho, chihna le thepna, sei theina le sah theina, taona le thumopna, kiphaldohna le kipatdohna eiho hinkhoa kon'a pehdoh thei le panna theiho jouse angeh jingin ahi. Nangma pan lahna louvin jong A-bol theinai chule abol thei ding mi dang jong tamtah aumnai. Amavang nang kom'a kingeh ahijeh in nang in boldoh in. Na peh lou leh hiche chanvou lutah hi midang chang ding ahi. Chujeh in nang'a kon'a "Pakai in manna nom anei," chu phaldoh in, hichu Ama kipana ahin nang ding a tohga sona pen ahi.





Hosanna' chungchang a lunggel

April 04, 2020

Rev. Onkho Haakip
Development Director

SERMON/ARTICLE

'Hosanna' kiti thuchang hi chomlam tah a seidingin 'nei huhhing un' tina ahi. Ahile ipi akon huhhing ding ham? tihi doh dinga kilom khat chu ahung hitan ahi. Pakai Jesu Jerusalem alut chun mipi hon kipah le thanom tah in 'hosanna' anasam uvin thupi tah in analem uvin ahi. Hilai ahin gel-doh dinga dei um chu Jerusalem alut a Pakai Jesu natoch chu ahi. Matthew, Mark le Luke sut kipana thupha dungjui a Pakai Jesu Jerusalem a thupi tah a alut jouva anatoh len-pen chu Jerusalem houin aga suhtheng chu ahi (John in-vang 'chronological order' sanga 'thematic presentation' joh akhohsah jeh in hiche thu hi abul langah aroi in ahi). Jerusalem houin a thil kibolho chungchang ah Pakai Jesu chu alunghang in thiljoh hole acho ho adeldoh in, sumlheh ho dokhang alekhup in, chule gancha joh ho touna alekh-up in ahi. Alunghanna ajeh hochu ahile –

1. Kilhaina a man dinga gancha kijoh hochu thempu, hou lamkai chule thunei vaihom hon sumtuong holna in mantam tah in ajoh uvin ahi.
2. Houin a mandinga kiphatsah sum 'Tyrian coin' jong chu akhel man 'exchange rate' ahiding kalval in hatah in asusang uvin ahi.
3. Thempu chungnung kilhen na ahin Roman government injong thu anei jeh in thempu hon Pathen lunglam hol sangin Roman te lung joh anahol jiuvin, houin a sum hunglut ho akon in Roman te jong share apejiuvin ahi.

Jerusalem houin kimanchah dan hi ingaito a hile thempu, hou lamkai, chule thunei vaihom hon Roman government toh kitho a amaho phat-chom nadinga milham ho hatah a asuhgenthei u akimu in ahi. Chule vaicha genthei hon Pathen alhai thei nading uva ngaijaang na 'concession' kisem hojong akhel lamdang uva vaicha genthei ho dinga Pathen



Ihaiding hi thil hahsatah asodoh ujong akimuthei in ahi.

Pakai Jesu natoh hi ivet a hile huhhingna le doudalna 'protest' a phuongdoh in ahi -

1. Alhasam ho thunei vahom hon dihlou tah a abolgenthei naova kon a huhdohna angaichatnao aphongdoh in ahi (socio-economic aspect).

2. Rome te jeh a lungthim pumpi, thaneina pumpi chule hinna pumpi a Pathen ahouthei lounao akon huhdohna angaichatnao aphongdoh in ahi (spiritual aspect).

3. Pathen hou 'sakho' chungchang a leiset gam vaipo ho kikum adoudalna a phuongdoh in ahi (secular aspect).

4. Jew mite chamlhat tah a aumnao sunohphah a pang Rome te 'colonial power' adoudalna jong a phuongdoh in ahi (political aspect).

Pakai Jesu thusim a detmah umtah khat chu ahile Jerusalem alut a 'hosanna' tia kipah le thanom tah a lem hon hpta khat kah a athi nad ing lampi agon uva atha pau hi ahi. Eiho jong tuni hin kipah thanom tah in 'hosanna' sam jongleu hen mibolse a ipan uva ahiloule mibolse ho kithopi a ipan uva hile 'hosanna' sam a Pakai Jesu that Israel te toh ikikheh nau ipi aum dem? Tunia 'hosanna' isap uhi Ihagao huhhingna bou hilouva, tahsa a kibol gentheina le kigotchepna ho idoudalnao le bolgenthei a umho ihuhdoh nading uva ikitepnau 'pledge' jong ahi angai e.

KIPATHU PHON.

Tuni Date 26/03/2022(Saturday) nin Chahkap Baptist Church mun a KBC Gambih No.12 Anngol tona akibol in Houbung 16 akon in mi 210 in pan akilakhom in ahi, Rev.Jamminlun Kipgen, Gambih Pastor in THUPI ngeitah eiseipeh uvin ama chunga kipathu asei in chule taona lamkai apang Mission Chairman, Men Chairman, Chairperson,WD, Gambih Chairman leh Pa Houneo Gambih Auditor hocheng ajong kipa thu akisei in ahi, chukit leh vahchoila ngeitah tah eisah peh u Houbung hojouse chung a jong kipathu kahin sei in ahi, ahungkikhom Houbung hojouse chunga jong kipathu kahin sei in, chuteng leh khonei Houbung mite hon seat arrangements le Cha leh Nehthei tui tah eineh sah jal uvin achung uvah kipathu sang tah in akisei in ahi, Pathen in Phathei boh tauhen.

Gambih Chairman





"Thingpel phatchomna"

(The Benefits of Cross)

Rev. Lamkeng Lhouvum

SERMON/ARTICLE

Bible chang:

"Chuti chun Golgotha atiu mun'a chun apui taove, hichu Lugu mun tina ahi. Chuin Jesu hapennin apengin atantai." (Mark 15: 22,37)

Thumakai:

Kumseh a Good Friday iman jiu hi kipa umtah ahin, tukum 2022 a jong kigot na nasatah inei jing laiju ahin Pathen thang vah cheh u hite. Hijeh chun tunin chom chan Thingpel phat chona thudol iki houlim diu kadejin ahi. Simon Cyrene chun Jesu Christa thingpel chu ana pun ahi. Rome Sepay hon ada acham louva Pakai Thingpel chu aputsah u ahin, hin lah aman thingpel anaput hi bol ding'a pha pen khat ana bol ahitai. Ama dia pha chom ana bold oh ahitai. Hijeh chun Thingpel (Cross) phat chomna lampi li in veu hite.

1. Thing pel chunga chun Pakai chu nang le kei mun ding akhel ahitai. (Mark 15:6-15)

Hiche Bible chang hi ietle Barabbas atiu mi khat khosung chohnoh pang tolthat ho lah'a kihen khat ana ume. Themona lentah thi ding'a gotsa kikoi mipa thing na ding khellin Jesu joh chu akisoltan ahi. Barabbas chu themona nei leh songkul tang ahi. Ahin Barabbas akilha doh in Jesu joh themo akichan tan ahi. Hiche hin avetsah chu Pakai Jesu hi ei ho khel'a thi a ahitai ti avetsah e. Paul in Rome mite kom'a chun, "Ahin Pathen in ei ngailutnao phot chetna eimu sah u ahi, Ajeh iham iti leh ei ho chonsetna ium laitah un Christa eihos khellin athitan ahi." (Rome 5:8)

2. Eihos Gaosapna khel'a Jesu Gaosap chang'a ahitai. (Mark 15:16-20)

Rome sephia hon ataitomuva, achil asset denova chuleh alui chung'a Ling luhkuh akhuh peh un ahi. Hiche taitom na jouse hi Gaosap

na ahin, Michonse eihos khel'a Gaosap chang'a ahitai. Bible Masa Genesis iven ahileh vannoiya ling apudoh hi Gaosap na akon ahidan akimun ahi. Mihem chonsetna al-hah masang chun leiset chung'a ling jong keh lou hidin akilange.



Hinlah Adam leh Eve Gaosap na melchih na khat chun Ling jong ahung poudoh tan ahi. (Genesis 3:17-18). Achung chonin Jesu Cross a athi chun Gamsung pumpi thimpi ana jinge. " Chuin nidan gup tah –in gam jouse chunga thim ana jingin nidan ko geijin mu athim tan ahi." (Mk 15:33). Ling hihen sun chang noiya them jin kiti hin chonset na chung'a Pathen gaosap na lhuna ahi. Israel te gam thip gam ajot laijuva jong , Ajeh chu sun lai jeng'a jong nangma mit cho muthim lah'a nakimai le ding ahi....(Deut. 28:29) ati hi gaosapna thu ahi. Job. 5: 14 a chun " Sun kim lai lai leh muthim atoh khaovin, Sun lajin jan muthim kimai bangin akimai leuvin ahi".(Isaiah 59:9-10). Pakai Jesu chun ei ho gaosap chana Ling luhkuh leh Thim jinn a chu eihokhellin apotan ahi. Ama eihokhellin sapset hung change ahi. Ijeh inem iti leh " Thing'a kikhai sang tapou chu sapset chang ahi." (Gal 3:13)

3.Jesu Thingpel'a thi chun chon phat nap on eisil peh u ahitai.

" Chuin Thingpel'a akhen beh un aponsil aponsil chu avang pha pha chang hen tin vang aki veuvin aki hom taove." (Mk.15:24) Hiche hi Thul-hun luija thu kiphong dohsa guilhuna ahi. Pathen thu chun," Kavon jouse aki homuvin, kaponsil jouse jong avangpha pha chang hen, tin akisan-tauve." (Psalm 22:18)

Mark Gospel chun Jesu ponsil chu akihomuvin avang pha pha aching taove. Pakai Jesu Thingpel chung'a um hin ei hop on beiya sagoh keu-va umding khel'a uma ahitai. Themgao Isaiah chun " Aman huhhingna ponillin eisil peh tan, Dih na chun pon chunin ei chun jolseltai" atin ahi. (Isaiah 60:10) Christa chun ei ho Huhhing nap on chu eisil peh u ahitai. Jesu Thingpel'a athi chun koechang'a um jachat na jouse chu asel ahitai. Hichu chon phatna pon eisil peh u ahitai.

4. Thingpel chung'a Jesu thi chun Van kot ei hon peh ahitai.

" Chuin Houinna a pondal len chu achunga pat anoi geijin a-eh lha paiyin kehni akisotai" (Mk 15:38) Jerua

Salem pondal chu keh ni akiso tan ahi. Mun theng chung nung chu hon in aumtan ahi. Chonset jeh a mihem hom Levi Thempu ho chan vou chu chang jou lou ahi. Hichu Pakai thi ni chun hiche kot khah lent ah chu ahon a uma ahitai. Lasem pan " Kot khah len chu hon in aum" ati chu ahitai. Jesu tuilah'a kona ahung doh chun Van arikeh son (Torn) (Mk 1:10) arikeh son, arikeh lhan ti thu cheng akimang in ahi. Cross a chun Pon chu keh ni aki sotan, aki bot keh tan, van gam mun theng (Heavenly Sanctuary) chu honin aum tan ahi. " Hijeh chun sopite ho Jesun pondal ajot paiya atahsa pum'a hinna lamthah eisem peh uva chu, Jesu Thisan vang'a Mun then glut ngamna ineju ahi. (Heb.10: 19-20)

**Thuchaina:**

Khopi sung khat'a minu khat leh mipa khat acha nu chapang neocha khat toh khopi sunga chun avah leuvin ahi. Chapang chun apa khut chu atu a apa nung chu ajui ahi. Hinlah phat chom khat jouvin mipi kiteh lellul lah'a chu apa khut chu alhaso tan anu leh apa chu aki lha sotan ahi. Sun nilhum keijin anu le apan ahol hol vangin amu doh jou lhon tapon, hito bang ma chun aman jong anu leh apa amu jou tapon ahi. Chapang chu city Police hon amu taove. Napa naming minchuleh nacho min ipi ham ti adoh u leh chapang nu chun anu apa leh akhomin jong ahepon ahi. Hiti chun sun nilhum kei chun aki holmo taovin, nilhah kho thim kon ahung hitan ahi. police ho chun chapang nu chu khopi sung insang lai laiya chun adam touvun nacho lang hoi lai ham tia adoh u jong leh ahepon ahi. Hichun adam le le taovin ahi leh Chapang nu chu Gam la tah'a kon chun Thingpel Houin chung'a kitah chu amu tan ahi. Hichun Police ho kom'a hiche Thingpel (Cross) um na khun nei pui leo chun kanu leh kapa toh kimu to tange atin ahi. Hichun apuijun ahileh anu leh apa toh akimu to tan ahi.

Sopite ho tunia Thingpel hi ve jouse chu nikhat leh Pakai toh iki mu to nao hi ding ahi. Nangin jong hiche Pakai Kithana Thingpel hi ve jing le chun Van gam loupe lo na dinga pon loupi mitheng te kivon na chu naki von tei ding ahi. Asim jouse Pathen in phat thei boh jing hen.

**Kipa Thuphon**

Mission Assistant pa. Pastor Haopu le a in-neipi Pi. Nenei in KBC Head office a staff ho jouse din Mongche amne din ahin pe lhon in Staff jousen jong Ihalo Ihani lhathum sung lah theilou pet a eiho le eiho kah a Pathen natoh na ngailut jal a amne ahinpeh lhon jallin Staff jousen amani chunga kipathu sangtah kahin phong uve, Pathen in Pastor Haopu le a in-neipi Pi. Nenei phatthei boh tahan.

*Rev. Thongkholum Touthang
Secretary Finance, KBC*

Easter Sunday Message

Mark 16:1-7

Rev Lamkeng Lhouvum

SERMON/ARTICLE

*Thupi : Tuni chanin Song chu atang doh e
(He still move stone)*

Thumakai :

Gospel ho jouse hin Pakai pen Christmas thu aseijin chuleh athi na leh atho kit thu jong aseijun ahi. Tuni chanin Pakai Pathen in hahsatna song ho atang doh jingin ahi. Numei ho Iha ve ding'a che ho lung gim na pen chu kojin song chu eitahdoh peh diu ham anativin ahi. Hijeh chun akison lelnao pum'aacheu chun Lhan kisin na song chu tah doh sa ana hitai. Hibang chun tunia jong ei ho hinkhoa Lhahsamna song, hatsatna song ho chu eitah doh peh un ahi.

1. Lunglhahna song: (stone of discouragement)

Jesu Ihanna achamna chu ama ngailutah a um numei ho chu Ihana chu che a along chung'a thao nu ding chu aboi pipen nu ahi. Akhut nuva Thao namtui akichoju ahi. Lampia alunggimnao pen chu Lhan kisina song chu kon ei tahdoh peh diu ham atiu ahi. Pakai ama tah chun hahsatna mun'a ei umpi diu aseijin ahi. Hiche song Jesu a dia thupi lou ahi. Hinlah Numei te leh ei ho ding'a boi ma ma ahi. Ahin, Lhan mun chu alhun phat nun song chu tahdoh sa ana hitai. A thoukit Pathen inei jeh un Lung lhahna song chu tahdohsan ana hitan, tunia jong itobang hinkho a lung lhan na nanei jong leh A thoukit Pathen chu ei tahdoh peh diu ahi.

2. Kichatna song : (stone of threat)

Numei te chu alungu alhah keu ahipon ahin kichatah ana hiuve. Hinkhoa kichatna chom chom akinejin ahi. Numeite chun Jesu long chu Thao nu nom jong leh Song jeh chu nasa tah in alung sunguva lung ling laona kichatna tampi neipuminacheuin ahi. Tunia jong Christian hinkho a kichatna aum theijin ahi. Hijong leh Jesu ei ho kichatna jouse abon cha alah doh thei ahi. Na lung sung'a kichatna song lentah um chu Pakai Jesu alah doh peh ahitai.

3. Tahsanlelna Song:

Sejui ho lah'a Thomas chun kamutoh kah in tahsan ponge. Atahsan lelna hi hinkhoa dia vangset umtah ahi. Abraham in Isaac pen ding



ngah jou louvin Ismael ana neijin boina lentah asoh in ahi. Kah lah le Pathen jong Bible jong itahsan lelna um thei ahi. Ahin Athou kit Jesu chun Thomas Tahsan lelna alah doh peh in, Mu a tahsan sangin mu louva tahsan apha jo ati. Thomas tahsan lelna hiche song chu alahdoh peh in ahi. Tahsan lelna song song nanei jouse chu Athokit Pakai chu nalah doh peh ahitai.

4. Gollelna song (Stone of defeat)

Peter hinkho chu ivetle nathi thin a a kathi ding ti pa chu akhonna in gol lelna hinkho chu ananeitan ahi. Jesu Seibang chun ahkhon masangin thumvei ana seilep tah, kisih in kap in leitol mun chu gol-lel pumin ana dalha tan ahi. Peter mochana hilouvin ahin gollelna song jong chu ana hitai. Tunia Tahsana lampia nakal son jing laija, Ju le sa maiya gol lel nahi ham? Thutah a ding jou talou gollel nahi ham ? Pathen nungjuina mun'a jamsan dinga gollel na hi ham ? Peter gollel na song chu Jesu Tho kitna chu alahdoh peh ahitai. Pathen chun gollel din eikoupouvin gollelna song chu eilah doh peh u ahitai.

5. Thina song chu akila doh tai: (The stone of death)

Rome te chun koiman atah doh jou lou diu song lenrtah khatna chu alhan chu asinnu ahi. Hinlah song chu koima tahdoh louvin akitang doh in Pakai chu athoudoh tan ahi. Ama Pakai a lung monna neite leh umte jouse ei ho jong thou kit ding ihiuve. Mihem te din thina kicha lou ding aumpoi. Hinlah Pathen toh kijopmat tah tah rte leh kijop loute dimun akibangpon ahi.

Jesu Christa thokit vang'a Thina kichat umtah song chu tahdoh a uma ahitai. Koi hileh ama a kinem leh tahsan jing ho chu Thina kichatna song chu akitang doh ahitai.

Thuchaina :

Athoukit Pakai chu nanei hinam? Athoukit Pakai chun Lung Ihahna, Kichatna , Gollelna song ho joiese abon cha aman alah mang ahitai. 2017 kum chun Holy Land kache in Pakai Jesu Thina thoh doh kitna lhan gohkeu jingkah matah in vilna kanejun ahi. Pakai anjon kinthen jong kanejun ahi. Lhan gohkeu ve a kache chun Pakajin kidang tah in ei houlimpin, kakeng to a pat kaluchang sam changei katimul ho chanin lamdang tah in ka umin, Jesu kasetna chonset gal jouse ei jo peh tai katin Taona kanei lajin Kipana mitlhi tampi ana longin ahi. Tunin athou kit Pakai chu iboina song pi ho chu atangdoh tan ahi, Amen.



GOOD FRIDAY HI FRIDAY NIKHO AHI

*Rev. Dr. Satminlen Khongsai
Pastor, KBC Centre Church, Urangpat*

SERMON/ARTICLE

Good Friday hi ipi nikho ham? tin kiki dongleh nuijat umtah himai thei ahi. Hinla mitampi dinga Good Friday hi Wednesday, ahilouleh Thursday ahijeh a hiche thupi hi hilchet ding poimo kasah a kahin sut ahi.

Good Friday akiti teng leh Jesu Christa thi nikho kiseina ahi tichu mijousen ahet ahi. Kumseh a Good Friday akiman jeng vanga Friday nikho a Jesu Christa chu athi mong leh nthum le janthum lei laigil a um mong hinam ti hethem loujong kiumda lou ahi. Hijeh chun Good Friday hi ipi nikho mong mong hi a ham ti hilchetna ana veu hite.

Friday Nikho Deilouna Phabep:

Mitampi in Jesu Christa thingpel chunga akikhet beh nikho hi Friday (Gansemmi) ahipoi, ajeh chu Friday nikhoa akikhet beh leh ana thusedoh bangin nthum le janthum lei laigil sunga acham ding chu dihthei lou ahi. Wednesday (Vahchanni) a chu Jesu Christa thingpel chunga kikhenbeh ahi. Hichu ahileh nthum le janthum hung Ihing thei ahi, ti ahi. Mi abang loi chu hichu ahikit poi, Jesu Christa chu Thursday (Vanghomni) ni a thingpel chunga kikhen beh ahi, ti ahikit in ahi. Mi phabep loi kit chun Good Friday kitih Roman Catholic te a kon a kiladoh ahin, adih lou ahi, ti ahikit in ahi. Ahin Roman Catholic te thilbol jouse adihpoi tithei ahideh poi. Roman Catholic te thuhil toh Bible akikalna tampi umjeng jong leh aboncha Roman Catholic te thilbol, thuhil, chondan jouse adihlou ahi, tidinghi seikhel hidingin ginchat aumme. Chule Wednesday ahiloule Thursday nikho chu Jesu Christa thi nikho ahi tihon tulaiya eaho phat sim banga sim ding iti jeh u hipen ding ahi.

Chule mi abangin John 19:31 na a hin "cholngah ni chula niloupini ahin" English a "high Sabbath" kitihin "hapter sabbath" kiseina ahipoi, atikit un ahi. Ahin John in ibol a hiche lai mun a kisei cholngah ni chu "niloupi (high Sabbath) ahi" ati ham veikit ute. Jews ho din aki lha ong niu (Jewish holidays) le Jubilee nikho ho (Jubilee days) jong Sabbath anati thou u jong ahinai. Ahin "the Sabbath" akiti teng leh "hapter sabbath kiseina, hichu nisagi ni chu ahi." Chule Jews ten olna nikho anei hou/kicholna nikho anei hou chu atamjo in ama nikho min in (Kalchuh



Kut, Lhambuh Kut etc) tin ana sei jiuvin ahi. Hijeh chun John 19:31 na a kiseipen Sabbath hi hpta Sabbath, hichu nisagi nikho kiseina ahi. Ibol a hiche nikho chu "niloupi" ahi kit deh a ham itile Kalchuh Kut nikho kipat le Hapta Sabbath nikho ahung kito jeh a Jews ho dia hito-bang nikho chu nikho loupi dehsetna alah u ahi. Tuni geiyin Jews hon Kalchuh Kut kipat le Sabbath nikho akito khahle niloupi hideh setna agel nalai u ahi.

Nidan 14, Thursday Nikhoa Jan Anjon:

Solchah ho le Jesu Christa chun Kalchuh Kut anneh (Jan anneh) chu Nisan 14 (Thursday) nikhoa ana neh u chu ahi. Ahin Jesu Christa chu ajing Friday nikhoa kikhen beh bep ahijeh chun Kalchuh Kut satha chu iti dan a Jesu Christa le solchah ho chun ana bol masat thei u ham? Chule Jesu Christa chu chonset kithoina a Kalchuh Kut gantha a kithat ding ahileh dihthei ding hinam? John 18:28 ivet leh Jesu Christa chu Pilate anga Jews hou lamkai hon akai uva chun Kalchuh Kut anneh thei nadia kisu boh louvin gamvaipo inpi a alut lou dan u jong muchet ahi. Hichu ahileh Jews te chu Kalchuh Kut satha anneh ane nai pouve ti hetchet ahi. John 19:14 ivet kit leh Jesu Christa akipatepna nikho le thingpel a akikhethbeh nikho chu Kalchuh Kut a dia "kigotni" ahidan jong asei kit in ahi. Hichea kon hin jong Kalchuh Kut anneh umloulai ahidan mudoh ahikitne. Jews ten Kalchuh Kut satha anneh aneh lou lai u chun Pathen thilgon dungjuiya chonset jeh a Jesu Christa, vannoi mihem jouse dia Kalchuh Kut satha a kithat ding phat chu Ihing jep lou lai ahi.

Phat Kisimdan Chom Chom:

Tun Solchah ho le Jesu Christa in Kalchuh Kut satha anneh chu Thursday nikho a ana nehlo nau ajeh hetna din hiche phat laiya nikho/phat kisim dan vemasau hite. Hiche phat lai chun Jews sungin jong nikho/phat sim dan hi jat chom chom ana um in ahi. Josephus, Mishna le Khanglui Jews thusim sunho a kon a mudoh chu ahileh Palestine sahlam a ana cheng ho chun nikho kipat dan hi niso apat asim pan un, ajing niso in akichai sah un, hiche phat sung chu nikhat sung ahi. Hiche phat umdan chu Galilee le avella cheng jousen ana man u chu anahi. Hiche Galilee a kon a hi Jesu Christa le Solchah ho (Judas jaolouva) ahung seilet nau chu ahi. Pharisees tamjo jong chun hiche nikho simdan hi ana mangun ahi.

Alang khat langa chun Palestine lhumlam a chengho chun, Jerusalem khopi jaongan, nikho kipat chu nilhum apat ana simpat uva ajing nilhum

gei chu nikhat a alah u ahi. Jerusalem le akimvel a cheng Thempu ho le Saducees ho chun hiche nikho/phat simdan hi ana mangun ahi. Jesu Christa le Solchah ho chu Galilee mi ahijeh un Kalchuh Kut Thursday niso apat kipan na alah uva, Kalchuh Kut satha anneh najong chu anei masat u ahitai. Ahin Jesu Christa ana man ho le ana hehseho chu at-amjo Thempu hole Saducees ho ana hiuvon, amaho dia Kalchuh Kut chu Thursday nilhum apat kipan a Friday nilhum gei hiding ahito Ihon a gamvaipo insung a jong chun (Friday ni) Kalchuh Kut anneh ma-sanga kisuhboh lou nadin ana lutpiuvon ahi.

Hitobang nikho/phat simdan ni ana umjeh chun Pathen thilgon jong hintin Jesu Christa le Solchah hon jong Kalchuh Kut satha anneh ana Nlneman un, chule Jesu Christa tah jong vanno mihemte lhatdoh nadin Kalchuh Kut satha in Friday Nikho chun ana kithat tan ahi (1 Cor. 5:7). Hichu ivetleh Pathen in thil agontoh chetna, aboi ding beihel a Jesu le Solchah hon jong Jews mi hina a Kalchuh Kut phatah a anit uva, hiche toh Ihon a Jesu chu Pathen thu a kisun banga chonsetna neilou helpa chu Kalchuh Kut satha a chonsete lhatna dia ana thi ahi.

Judate Nikho Simdan:

Hiche het thei nadin Judate, Palestine noilanga ana chengho phat simdan ana veu hite. Achunga kisei hetchet jepna dia nikho kisimdan vetsahna ahi.

1. Nikhat-ni: 6:00PM Vanghomni apat 6:00PM Gansemni, hiche sun-ga hi Jan anjon, Gethsemane hon a Jesu atao (vanghom nilhah), patepna ato, akikhetbeh le akitvui (gansemni) ahop soh keiyin ahi.
2. Nini-ni: 6:00PM Gansemni apat 6:00PM Sabbath ni (eihos phat sim a Saturday), ni hin Jesu Christa long chu akitvuijin lhankhuh a nga in aum in ahi.
3. Nithum-ni: 6:00PM Gansemni apat 6:00PM Pathen ni (Nimasa ni, eihos sim a Sunday), ni hi Jesu Christa athodoh nikho ahitai.

Konkhat chu hichu ahileh iti Jesu Christa chu kei laigil a, lhansunga nthum le janthum tham jou tading ham? Nithum le janthum alhingpoi, hichu hithei ponte tia jong aum dapon ahi. Anoya hin hilchetna ana veu hite.

Nithum le Janthum Hilchet:

Matthew 12:40 dungjui hin Jesu Christa in athodoh kit ding ana sei masat na a chun Jonah banga Mihem Chapa jong nthum le janthum leiset laigil a umding ahidan anan seidoh in ahi. Chule Mark 8:31 na a



Mihem Chapa chu nithum joule athodoh ding aseidoh in chule Matthew 16:21 na a nithum ni leh athodoh ding aseidoh kit in ahi. John 2:19-20 sunga jong Jesu Christa athodoh ding chu nithum sung ahid-ing dan mudoh ahikitne.

Gospel sunga jong Jesu Christa thodoh niding hi jatchom cheh to-bangin akiseiyin ahi. Hoichepen chu Jesu Christa thodoh nikho to chun kitoh ding hitam? Nithum ni ham, nithum jou ham, nithum sung ham? Hiche hetchet kit nadinga hin nithum ni, nithum jou, nithum sung kiti ho hi khat khel a khat kimang thucheng ahidan Bible changa kon in hilchetna ana peu hite.

1 Samuel 30:12-13 sunga hin "... Egypt mipa chu aneh adonsah jou phat in atha ahat doh paian ahi; ajeh chu nithum janthum sunga ann jong neilou twi jong don louva ana um ahitai. Chuin David in adong in, koimi mahiya hoiya kon a hung nahim? atileh aman jong aseiyin, Keima Egypt mi, gollhang kahin, Amelek mite lah a mikhat soh a pang kahi, nithum masanga pat chun kadam mon kanat phatra kapum ei-dalhah ahitai" akiti. Chule Genesis 42:17-18 na a "hiti chun aman abon chauvin nithum sung dingin songkul a akhum tan ahi. Nithum Ihin nin Joseph chun ajeh uva, keima Pathen ging mi kahijeh in nangho nahin theina ding uvin hiche boltauvuin" akiti.

Hiche Bible chang cheng a kon amidoh doh le hetchet chu ahileh "nithum jouvin, nithum nin, nithum Ihin nin, nithum sungin, nithum jouvin, nithum le janthum sungin" kiti hohi khat khel a khat kimang koudoh khat kiseidohna ahi, akoudoh kibang ahicheh in ahi. Hijeh hin Jesu Christa thussei le athodoh nikho jong akikalna imacha aumpon, Gospel a kimu cheng jong adihmona aumpon, Gospel sun hon amaho deisah thucheng aman u ahin, aboncha koudoh khat nei thucheng ahin ahi. Hijeh hin kicheh tah a mudoh chu Jesu Christa hi Pathen ni jingkah nithum nia ana thoudoh ahi.

Good Friday hi Friday nikho ahi monge tihi tahan chate hon ihetcheh nadiuva hiche hi kisun ahi. Hinla thuchaina a kasei nom chu, anikho chu athupi ahin pon Jesu Christa in chonse nangle kei dia gim gen-theina tincheng athoh a athep mona umlou, nangle keidia thina ato chu athupi pen ahi. Hichu ahi Lungset Kidang kitichu. Jesu Christa thisan a kisoptheng ho chu vannoiya anunnom pen ahiuve.





MISSION & EVANGELISM BOARD (REPORT)

*Rev. Lamkeng Lhouvum,
Mission Secretary*

Mission Column

KIPA THUPHON

1.KBC Mission Board Tour Programme. Nisim 12-13th February 2022 KBC Mission Board Member ho chengin KBC Gambih No. 6 Houbung ho vilna akineijin ahi. Hiche a kache niu hin, kipa umtah in Rev Jiteen leh insung mite ho, Cha leh neh thei tuitah eineh sah un, cha don khom na jong kaneijun ahi.

Chuleh Maohing Nepali Baptist Church ding Houin mun ding jong vet Ihahna kaneijun ahi. Rev Jiteen leh insung mite chunga kipa thu sang tah in aki phongin chileh Insung mite din Rev Lamkeng Lhouvum Mission Secretary pu tao peh na jong aneijin ahi

2. AMRAJAN & SAIJANG MISSION FIELD VISIT — 2022

Achesa nisim 15th — 16th Feb. 2022 nin Rev. Lamkeng Lhouvum, Mission Secretary, KBC lamkainan, Mission Board member: Pu Neka Vaiphei le Pu Hegin Haokip chuleh KBC C/C MOLNOI, Deacon Board mi 8 cheng toh Imphal dalhan a Assam gam ana vai kondoh nading uvin Rev. Thangkhosei Haokip, Literature Secretary, KBC in Pathen heng'a taona ana man peh uvin ahi.

Pathen lungset jalin nisim 15th Feb. 2022 nikhon KBC Mission Board le C/C Molnoi Board of Deacon toh Imphal dalhan ana kalsongin uvin, 9:00 am vel in Mao gate damsels in ana Ihung uvin ahi. Chuin nilhah 2:00 pm vel in damsels chan Amranjan Mission Centre ana Ihung uvin, Missionary Thangkholum Kipgen leh insung miten Mission Board ho le Houbung lamkai ho kilom tah in ana.

3.Tripura Mission Field Atahsan thah ho Tuilut

Nisim 20/02/2022 Tuni 20 Feb nin Tripura Mission Field, Emprut Cherra mun a tahsan thah mi 6 ana kibe in twilut na ana nei un ahi. Kipa vetsah nan houbung miho din jong ankong ana kisem peh e. Pathen a ikipah uve. Taona le thumna a eihin panpi jing houbung mite chunga kakipah uve. Emprut Cherra hi Pathen helou ho lah a jong missionary koimacha lut ngam lou na mun ahin Pathen in alha-cha ho eimang cha un houbung khat itung doh thei tao vin tahsan



mi 19 alhing tan ahi. Kikhop na din in khat rent a akilan hiche in jong hi atahsan ho toh chapang ho ikikhop le eiket tapou vin ahi. Adeh in Tripura hi gamsa gam ahi jeh in nipi hung hi le hung hahsa ten din a um tan ahi. Thinglhlang kho ahi jeh in rent a din in dang jong akimu jou pon ahi. Hijeh hin natao nao ka ngai cha jing uve.

4. Tahsan thah ho jeh'a kipa thuphon.

Nisim , 21/02/2022 Kipa umtah in Rev Jiteen Mission Supervisor Gurkha Nepali Mission field leh team ho kiman chah na a Moreh Hindi Baptist mun'a tahsan thah ahung um thei jalin Pathen thangvah in um hen. Mabana jong Pathen in Pakai Ihacha ho mang cha jing tahan.

5. Mission Week & Missionary Day 1-6th March 2022 kimang kipa thu seina.

Tukum Mission Week & Missionary day hung kiman na ah, Pathen lungset in Speaker mi 110 Houbung mun chom chom'a akisollin ahi. Hi che kin'a kimang cha Pakaiya ja umtah Pakai Ihacha ho Speaker a dia kal song doh ho jouse chung'a kipa thu sangtah in kahin phongin ahi. Chuleh Houbung miten jong kipah tah'a ilam to jeh un kipa thu sang tah in kahin phonge. Chuleh Missionary day nikhoa dia Vahchoila hung kisem, " Pakai keima ka um nai" ti mang cha a vahchoila kisem jong Houbung mun tampie sah doh a aum jeh in Pathen thangvah in um tahan.

6. [21:00, 21/02/2022] MI TOMNGAITAH KBC No. 11

Pu Letthang Haokip MB Saichang KBC no 11 mission chairman puhin ama gambih sunga mission share hohi anadonkhom ji ahijehin gambih a houbung hole office adin ajangkhailheh jengin ahi. Hithei henlang amabanginin ibonchaovin gelkhohcheh thei leuhen mission na itohnao hi machal lheh inte Pu Letthang le agambih mite chung a kipathu kahinseije.

7. 21/02/2022 SEROU MISSION FIELD.

Hiche nikho hin Mission Board min'a field visit akibollin ahi. Hiche field a um missionary Pu Lalminlun Kipgen amale ateam hohin hat-tahin na atohjing u akimun ahi achung a lim kilahkhompi khat hi tsanthal ahin Pathen phasah ahile ajinu le achapa puma agangthei penna Bataize bolthei ding jong amaho akonin akijan ahi. Hijehchun Houbung miten field ineihou dingin taanon kopjing ute.



8. Nisim 21/02/2022] LONPI HOUBUG VILNA.

Lonpi houbung hin tukum Missionary khat goiding anopnao jalin Mission board toh kihoukhomnale kinoptona akineitan ahi. Hiche Lonpi Houbung hi in 50 velbep ahiuvin ahi. Hijong leh Pakai gam'a din kitho khomna nasa tah ahin neijun KBC Mission toh Houbung kithoa Missionary khat soldin kigotna aneitaovin ahi. KBC houbung sunga amaho bang a lhagao mangthai gelkhohna nei ho phabeppi ineijeh un KBC ivangphaovin amaho jalin Pathen ithangvah uve.

9. 21:02, 21/02/2022] : MISSION SPONSORED BOL DING KIBE

KBCn Mssion na itohnaohi hb akona Mission share ipehhou keuseh hilouva igamsung uva mi hongphal Pakai natoh ding gelkhoh mi aum be jing thei jeh in Pathen thangvah in um hen. Hiti chun Khopijang Baptist Church (Inpipu) injong tukum'a parna hi kumkhat a Mission support money adin .30,000/ (Thirty Thousand only) peh din kitepna anejehin achunga kipathu Mission board in akiseijin ahi. Hetthei khatchu ain neipi jong hin kum ijat ham khat sung'a hi support money kumkhat a ..20, 000 (Twenty Thousand only) jong anapeh jing ahi. Pathenin jatjan Phathei bohjing tahan.

10. 21/02/2022 MAIN SANCTUARY EPM

Elijah Prayer Mountain (EPM) Muna main sanctuary isahnao hi olo-lin amachal jingin ahi Pathenin pha asahle tukum sung a joteiding ti lunggel chu ahijingin jotheina ding lampi chu sumlepaija jong hung kingam ding ahijehin Houbung miten itaonao pumin panna thei lampi chomchoma pan hinladin jong tem ahi

11. 22:13, 25/02/2022 KIPA THU PHON

Manipur Baptist Convention, toh gon na noiya 43th Mission Conference chu achesa 22-25th February 2022 sunga Longmai Part II (Noney) Baptist Church RNBA Host hina a kipah thanomin ana che Ihatan ahi!

Main Speaker ho chu :

1. Rev Dr Kh. Khaizakham
2. Rev Losii Mao General Secretary MBC
3. Rev Dr Shut Khan Thang, Mission Secretary MBC
4. Rev Boipu Serto Mission Secretary CBCNEI Ama hohi apan-guvin ahi.



Kuki Baptist convention Thalhengin, Pu S Athang Haokip Mission Board Chairman, Pu Neka Vaiphei Mission Board Member, Pu Haojakkam Doungel Mission Board Member, Rev Lamkeng Lhouvum, Mission Secretary chuleh GL. Amin Haokip, Development Staff cheng akipangin ahi. Pathen lungset in nom tah in kahung kimang chaovin ahi.

12. 03/03/2022] Bise Mile Missionary Quarter kisa Natoh Mach-al jing

Arunachal Tezu Mission Field Missionary Hemkhochon@ Chochon Haokip Arunachal Mission field a, Quarter um lou jeh a ama tah in Chen nading Quarter asah chu Pathen lungset in ama chal jingin ahi. Hiche Quarter hi Pathen phatsah ahileh May Iha lam leh katdoh na kinei ding ahitai. Pathen in jo thengna anei nadin taona in geldoh u hote

Tu tua ngaichat hi 1. Wooden Door 2. Window 3. Gas Stove 4. Lupna 6. Kitchen items kong le bel, Chair Table ho ngaichat ahin, lam doh a aum na thei din tao peh jingu hite.

13. Nepal gam Missionary a dia Vaikon ding Gl. Tongminthang Kipgen.

Kipa umtah in Missionary dinga ana kipe doh Gl. Tongminthang chu tukum a pat 'a KBC Mission field a tongpan din aum theitan, Ama hi Pathen phatsah ahileh Nepal Gam'a Missionary khat a dia vaikonding ahitai. Tunin KBC office a Rev Dr, M, Thongkhosei Haokip General Secretary KBC in Tao peh na aneitan ahi.

Achesa nisim 20th March 2022 nilhah Sunday nikho chun KBC Centre Church Salem Sapormeina Houbung miten kipa thilpeh leh vailhah na kin loupe tah chu ana neipeh taovin ahi.

14. Missionary Sponsored ding pumbe leh kipa thuphon.

Kipa umtah in Rev Paojangam Haokip leh Family, Pakai kum 2022 a pat'a KBC Individual Mission Sponsored a Lha khatna Rs. 1000/ a pang dingin kipeh na ahin nei Ihon tan ahi. Pathen insung phat thei boh jing hen lang vang boh jing ta hen. Ngailutna nei tah a Mission office jong ahung vil jallun kipa thu sang tah in kahin phongin ahi.

15. 19:10, 15/03/2022 EPM a main sanctuary Kanchi Kipanta.

EPM mun'a in kisa chu kanchi dopdoh dingin Evan Jamkho thang

Haokip in Pathen henga taona amangin ahi. Muntinna um Houbung mite jousen jong Mistry ho kisuhkhah umlouva jo a aum nadin Pathen heng taonan geldoh ute . Kanchi hi Ft 96 sao ahin hahsa thou ding ahi. Hijeh chun hiche nikho hin gun chu tah in pangin Kanchi akhang doh taovin ahi.

16. 03/2022] MAIN SANCTUARY KISA MACHAL JING KIPA THU-PHON

Pathen in Houbung mite taona asan jallin, Elijah Prayer Mountain mun'a Main sanctuary kisa chu ama chal jingin ahi. Mistry hi Bricks leh Iron mistry hon atoh khom jing ahin, Pathen lungset in Tuni chun Kanchi ho tundoh in aumtan ahi. Houbung mite lah a kona jong kipehna Houbung leh Changval'a kipeh na nei aban ban in ahung umin kipa thi sang tah in kahin phongin ahi. Kitohkhahna ho um louva lolhing tah in kisa kichai thei nadin taona a gel doh jingu hite.

17. 18/03/2022 Indian Orphan Mission (IOM) ho chunga kipa thu-phon.

Kipa umtah in IOM a kon a ningkum a project ana kiboipi chu lolhingin aumtan, Molkon Bazar a Mission and Evangelism noi a ana ki bol Compassion Tuition Centre adin 15k Rupees worth Stationery items le Sports items donate eihin bol peh uvin ahi. Items hochu Notebook, sketchpen, pencil, eraser, football, volleyball, carrom, badminton, stand fan le adang dang ho ahin ahi. Thilkeu ijakai igalah peh uva pang Pr. Seikholen, Molkon Bazar C/C chunga kipathu sangtah akiphongin, ahin donate a IOM chunga jong kipana seijoulou iphong uvin ahi. Hiche thilkeu hohi Tuition Centre chapang ho leh CWS a chapanghon aman ding ahin maban a IOM a kon a project dangdang kingaito hojeng alolhin peh nadin taonan kop jingu hite. God bless IOM

18. 20/03/2022] REVIVAL PROGRAMME GURKHA NEPALI FIELD CHINNGMEIRONG

Gurkha Nepal Mission Field Chingmeirong, Imphal muna achesa 17th-20th Match 2022 sunga Revival Programme ana che Ihan ahi. Hiche nikho sunga hin Pastor Man Parshad leh Rev Jiteen Speaker in apang Ihonin chuleh Missionary Bijay chu Devotion Leader in apangin Pathen lungset in Camp chu lolhing tah in akichaitan ahi. Hiche Camp sunga hin None Christian ho leh Christian Gurkha Nepali community kigom khom ahin, alolhing lheh jengin ahi. Pathen chu thangvah in um hen.



19. Missionary Mangcha Haokip ji neita:

Pathen lungset in Missionary Mangcha Haokip Pastor incharge, Meitei Baptist Church Moreh chu Pathen thil gonin 16th March 2022 nikhon Ng. Tingcha Baite toh Houdan theng'a akichen Ihon tan ahi. Ama ni hi S. Saheibung Baptist Church KBC No.7 Mun'a Rev Lamkeng Lhouvum Secretary Mission & Evangelism KBC kin Thempu hina in Pakai jang gop chu ana chang Ihon tan ahi. Pathen in phat thei boh jing Ihon hen.



KBC Mission Field Visit Assam, West Bengal, Sikkim chuleh Nepal

24march Imphal to Guwahati kahunga kal songun ahi. Imphal ki-pat doh ding konin Rev Thongkholum Finance Secretary KBC in vailhah na anejin ahi. Assam a Missionary Thangkholum Kipgen & Family Dinner eigon peh uve. Nilhah Guwahati CBCNEI Hotel a Jan gena Dr. Ngamjaha Kipgen & Family in provide eibol peh un ahi.



25Marc Jingkah an nehna Pu Khailen Haokip & Famit, Nilhah Siliguri Pi Hekhol Haokip & Family, in na ka chol nga uve.



26 March Sikkim jonin kacheuvin Rev Senpu Haokip & Stephen Lunkhogin Haokip & Family eina vai Ihinin ahi. Nilhah in Sikkim Church Member khat ina Dinner kaneobin Houbung Secretary pu in Hotel nom tah in ei kichol sah uve.

27 March Sunday Morning Boject Church a tahsan thah Mi 5 Tu-ilut Rev Lamkeng Lhouvum Mission Secretary in andijin chuleh Pakai Anjon Rev Tongmang Haokip Men Secretary in andijin ahi.

Nilhah in Nepal kajonun Missionary Rev D. Singson leh Rev Henkhogin@GideonKipgen in Nepal Border a ei na ngah un nilhah in Missionary Lamtin ina kaki chol do taovin, an neh tuitah jong ei gon peh un ahi.

28 March nikho in Rev Henkhogin@ Gideon Kipgen & Family in jingkah an neh kaneovin ahi. Chuin Nepal Missionary Pastor Lun-minthang Haokip umna kajonun ahi. Nilhah in Houin kaikhom leh kiman chahna k a neijun ahi.

29 March Nepal a konin Siliguri kahin jonun ahi. Rev D. Singson ina jing kah an nehkroma leh Loinu Naobu Operation Vetna le taopehna kahin neijun ahi.

Nikhah in Siliguri a Rev Dr. Peter Kasung family toh kimu to in ka umun ahi. Ama hi Kasung Resources Centre muna ka chol do taove.

30th March Siliguri to Guwahati kahungun, Zoo ka ve paovin ahi. Pu Jangchon & Family in Ni Ihah cha ei donsah un ahi. Catholic Centre muna kichol do na leh An neh man Pu Thangpu Sitlhou & Pu Tongpao Haokip in ei poh doh peh taove.

Nilhah in KBC Family kimutona akineijun, Cornel Jamnal Guite, Pu Tongpao Haokip Chuleh Pu Thangpu Sitlhou ho cheng toh kakimu touvin KBC Mission natoh thu kasei khomun ahi.

31st March 2022 nikho hin Guwahati to Imphal kahin jon taove.

Tuchung Nagaland Bandh jeh in via Maram to Paren, Jeluke Dimapur Road kache leu aboijep in ahi. Hijong leh Pathen lungset in kholjin chai thei ki umnin Pathen kathang vah e.





MEN DEPARTMENT REPORT

*Rev. Tongmang Haokip
Men Department Secretary*

Men Column

Convention Men Department khantounale machalnaho achom taha repot petheijsa kaumjeh in hatchung nung Pathen in kathangvah in chule pakai lengpi leija toh khompi Houbung mitele muntinna pate jouse kangailutnao pakai min in Salam kahin peouve.

(1) 41th MEN Department Annual Assembly :-

Achesa Dt 9th - 11th December 2021 41th channa Men Department Annual Assembly Moreh Baptist Church Gambih NO.15 munna pathen mapuina jalin lolhing tah in Assembly anakiche Ihan pathen thangvah in umjing tahan.

Assembly sunga kiman chahnaho:-

Dt 9th December 2021 Lhun kim nilhalang niden 4.00PM in, Pu Seikhohao Vaiphei President Men Deptment in Assembly Pon lap Khaidohna aneijin Rev. Thanglen Haokip Gambih Pastor in Pathen henga taona amangin Assembly thenso ahitai.

Nilhah houkhomna ah Pu Kaikholim Haolai Vice President Men Depatment KBC lemnana thu asei in ahi. 2021 kum sunga Pate hinkho Ihinga anachemasaho geldohnale jana akinejin, Rev. Thangkhomang-Haokip Gambih NO.16 Pastor in adalhah insung miteho dingin, pathen henga taopehna anei in, chutoh kilhon in Khonei Pate in Pathen vahchoin na langaitah asaovin. Rev Tongmang Haokip Secretary Men Departmen KBC in Gambih Wise in min kouna anei in Gambih 1--- 21 chan ahung sohkeijin ahinla, Gambih NO.18 (Assam Karbi Anglong) Dimapur Bandh jeh in ahung theita pouvin ahi. Roll cal /minkouna akichaitoh kilhon in khonei Church Choir hon pathen vahchoina la ngeitah asaovin chujouvin Rev. Lamkeng Lhouvum Secretary M/E KBC pathen thu ngaitah asei in ahi. Thupi ngaitah akingai Ihah toh kilhon in 2021 kumsunga Permanent Missionary Fund (PMF) dangka 2000(sangni) apat chunglang peho Memento pehding kitichu mi 52 (somngaleni) Memento hopdohna jong anakinejin ahi.



Dt 10th December 2021 Jingkah Devotion:-

Jingkah Devotion in, Rev. Lamkhogin Haokip Pastor Gambih N0. 14 in Pathen thu ngaitah aseitoh kilhon in mipin taokhomna akineikhom in Assembly akipan kitai.

41th Assembly a kiphatsah ho gahhetthei dingho:-

(i) 2022 kumsunga Pate Camp mun 4 (li) bolding. (ii) " Permanent " kitichu " Pate Missionary Fund" (PMF) joh a kikhel. (iii) 2022 sunga Pate jousen pathen natohna a atamthei penna Pate Missionary (PMF) pehsoh kei ding. (iv) Pate Missionary Fund chu tukum 2022 a patna RS 500/ chung lam pehtah ding chule Rs 5000 (sangnga) apat chunglam peho Memento pehding. (v) Lom Resource Centre (LRC) muna theiphung/gophung tubeding chule Gancha vahthei chan vahbe ding. (vi) 2022 Pate nikhole LRC DAY a Office langa konna Speaker solthei chan solding. (vii) 2022 kumsunga Houbung tina Pate Angolna taona khatve mansoh keiding Ofefringle Anngol naho Office lang thah-soh kei ding. (viii) 2023 42nd Annual Assembly munding Gambih NO.18 (Assam Karbi Anglong) amaho Gambih Conference toh kopding Pate jouse atam thei penna cheding.

Nilhah kaikhomna akinei kit in, Ng Lhingbem Baite in pathen vah choina la ngaitah asah toh nkilhonin Rev Tongmang Haokip Scretary Men Department KBC pathen thu ngaitah asein ahi. Pu Thongkhola Haokip Men Worck Committee Member KBC kipathu asein in pathen lungsetna jalin lolhing tah in kaikhom akichaijin ahi. Kaikhom kichaijin Pu Kaikholid Haolai V/President in Assembly ponlap khail-hahna aneitoh kilhon in Rev. Mangboi Kipgen in pathen henga taona amangin Assembly akichaitai. Asemby pathen lungsetna jalla lolhing-tah a akichai toh kilhon in Assembly Member chang le Moreh Baptist Church hotoh Advent Chirstmass ana kimangkhom in pathen vah-choinale a Gambib agambih a Lamkol jong anakibolin ahi.

Kipa thu seina

41st channa Men Department Annual Assembly lolhinna dinga pan hinlaho jouse chunga kipa thu ahung kiphonge , adeh in akhonei aHoubung miten jingkah nilhaha Anneh tuidon alhinglal jouse eipohdoh pehuva, phate cha eivettuppehuva, lupna touna ejakai phate cha eigontuppeh jehun achunguva kipa thu sangtah in ahung kiphonge , Pathen in Houbung phattehei boh jing taohen.



(2) Lom Resource Centre (LRC) :-

(i) Tule tun Lom Resource Centre muna natoh achelhajingin ahi. Kumni masanga Aieng monsom kitu chu tulai tah in akikhottin, abanle kolbu, Bal, Kolkai, adang 2 tuding in amun semtup dingin akigonge, thei-



phung Lichi phung, Komla, Apple phung, Motphung, Kolchu phung, Thingchangmai phung, adang dang kiphut hojung aphung suhtheng jing angaijinge, natoh ding atamin, mi akihole natongding ngaichat ahijinge.

(ii) Gancha kivahho :-

(a) Tule tuin in jong pathen lungsetna jalin Vatot akivah jing in phat chom khat joule johphat tah dingin jong kinepna aume.

(b) Tun Vohcha 7 sagi nakivah in abanna vahbe ding deina jalin phatea vahna thei dingin jong Chawkidarpa jong Basic Traninga akisol in damsel in Basic Traning jong ahinchai tan, chule Vohkul jong Japante methot (Bokashi) 10x50 len akisah ben pathen lungsetna jalin akijou tai. Vohnou jong 25 somnile nga akiorder in agenthei lamma lahdin gin akigongin ahi. Muntina Patehon pakai lenggam natoh ehatbe cheh na dingun enatoh hohi alolhinna thei dingin taonatoh thoa pontho taha pan lajing dingin pakai min temna kahin neije. Pathen in Convention Men Department phatthei boh jing tahan .





Convention Nute Anngol Taona

Ms. Tingneilhing Kipgen
Women Secretary

Women Column

March 11 leh 12 nikho in Convention level a Nute anngol taona Houbung leh Gambih level in Nuten ana kimang in ahi. Gambih no. 21 Nuten jong Convention Nute lamkai ho temna eina nei jun March 12, 2022 nikhon Khopijang Houbung mun a Nute Anngol taona Program a ana kikal song in ahi. Hiti chun Gambih sunga Nute toh nomtah leh kipah tah in kimankhomna ana kinei jin ahi.



Nute Bible Camp:

Convention Nute Assembly a kisei kumni sunga Houbung leh Gambih level Nute Camp ama ama mopohna a project khatna neidinga kiphat-sah na kinei ho Houbung khat le nin ahin tong pan thei tao vin kipa a um in ahi. Hiche to Ihon chun S. Molcham Houbung in jong March 17-20 sung in Nute a din Camp abolpeh un chuleh Songjang Houbung KBC No. 6 Nuten jong March 31-April 3, 2022 sung in akigon kit un amaho hi tohgon khat tongdoh Houbung ahitao vin kipapi umtah ahieuve.

Consultation on Lydia Resource Centre Plans and projects:

March 29, 2022 nikhon KBC Nute lamkai masa ho, tutua lamkai ho chuleh Secretary ho pan na in Lydia Resource Centre khantouna ding leh machal na ding in ngaito na in lung gel



seikhomna ana kinei jin ahi. Hiche kin a hin Pu Holkhomang Haokip, Chief Functionary, Rural Aid Service (RAS) CHurachandpur in lamkai na anei jin ahi. Hiche consultation a hin thil phachom tamtah in ana kisei khom in ahi.



YOUTH DEPARTMENT

*Rev. Lunkhosei Tuboi,
Secretary, Youth*

Youth Column

Rehabilitation Center natoh machal jing

KBC Youth Department tohgon nanoija Rehabilitation Center kisem chu Pathen mapui najallin tuhin natoh ama chal jing in ahi.



Gam ong koima chen na khah lou mun na kisem ahijeh in amun leveling bol nading in JCB natoh nading nasa tah in ahung ngai chan lungdongtah a ana kium lajin KBC Centre Church KPI a um Pu Tongkhohao Kipgen Special Contractor in manbeijin nikhat nilhum keijin a ma JCB ahin tohdoh in achung'a seijou lou kipa thu KBC Youth Department min in sang tah in kahin phong doh u ve. Pathen in ama le ainsung mite chule ana toh na ah phatthei boh jing tahan.

Chule Pathen in pha asah le April Ihasung'a sah pan ding tin lunggel akinei to kilhon na mun tin a um Houbung miten natao naova neihin gel doh cheh diu vin jong kahung tao vin ahi.

Kakipah'e

Pathen in KBC Phatthei eiboh pih cheh taohen.





MUSIC COMMITTEE

*Rev. Lunkhosei Tuboi,
In charge Secretary*

Music Column

MUSIC MOBILIZATION PROGRAM

LOLHING TAH A ANA KICHLAI TA

Kuki Baptist Convention Music Committee tohgonna noi-ja Music Mobilization Program ana kigong chu Nisim 25/03/2022 Friday nikhon akhat vei channa First Batch (KBC Gambih No. 8, 9, 10, 11) chu KBC Centre church B Vengnom mun nah Rev. Dr. Paul Paolen Haokip, Assistant Professor MTC, Pastor Jamthenlal@Lalboi Haokip, Lecturer STS, chule Pa Demkhogin Haokip, KBC Music Committee, Amaho Resource Person hinan Gambih li (4) akon hung khom lamkai mi 80 pan nale Gambih le Centre Church a Pakai Ihacha Pastor mi gup (6) pan nan lolhing tah in ana kichai thei tan jona eipeu Hatchungnung Pathen Kathang-vah'e.

Tuchung'a Resource Person ho thusei athem thei un hetbe, mube, jilbe, tampi akinei jou vin ama ho chung'a jong kipa thu sei jou lou i-phong doh un ahi, Pathen in mangcha jom jing tao hen.

Chule tom ngai tah a pan hung la Gamla le naija kon hung khom KBC Gambih li (4) akon na hung kalsong kineppi um-tah tah Lamkai ho jouse chung'a jong kipa thu seijou lou iphong doh un ahi.

Hiche kingon na chun Ng. Mary Vaiphei, Kuki Gospel Ar-tiste (KUGAA) vahchoi nala ngei tah tah eihung sah peh



uvin ki tilkhau aum lheh jeng in achung'a kipa thu seiou lou akiphonge.

Chukit le tomngai na neitah a pan hung la kineppi umtah Gambih le Centre Church a Pastor ho jouse chung nga jong kipa thu sei jou lou iphong doh uve.



Hiche kin gon na Refreshment le neh le chah eipoh doh peh u le mun le jang eiphal peh uva chule ijakai eigon tup peh u KBC Centre Church B. Vengnom, Pastor pa le atoh khompi Deacon board hole neh le don ding chale neh thei eigontup peh uva meisa twisa lah a lhacha a chat le ho jouse chung'a jong seiou lou kipana kaphong doh uve, Pathen in nathilpha bol nauvah phathei na tampi nape tao hen.

Hiche to kilhon na 2nd Batch adia kigong KBC No. 1,7, chule 17 jong tu ahung lhung ding April lha sung'a ki boljom ding ahijeh in muntin na Houbung miten Program kigong ho lolhin thei nadin na tao nao kangai cha jing un ahi.

Kakipah'e

Pakai le mipi lhacha
Rev Seiboi Tuboi
Youth & Music secretary KBC

Tujangvaichong Centre Church Chu

KBC Mother Church adin phondoh na ana kineitai.

Achesa Nisim 03/04 nikhon KBC hung kiphudoh na Tujangvaichong KBC Centre Church chu KBC Mother Church adin Rev. Dr. M. Thongkhosei Haokip, General Secretary KBC in Pa Pathen Chapa Pathen chule Lhagao Theng Pathen min in phondoh nale lhandoh na chu ana neitan ahi.

Hiche kingon na chun Rev. Tonglet Haokip, President KBC in Pathen ana houmasa ho le KBC phut doh a ana pang amollem sa ho gel-



doh na Condolence chu ana lamkai jin ahi, Pu Alun Haolai Former President, in KBC kiphudoh thudolle achesa phat na KBC kivaihop naho le Tujangvaichong Houbung thusim ho seina le KBC Mother Church ahiding thudolla jong houlim na anei jin ahi. Pu Rev. Ngamjapao Haokip, Former General Secretary le Khotol Haosapu in jong KBC Mother Church kiphu doh thudol la houlim na jong anei Ihon in ahi. Pu Zamlal Zou Vice President KBC jong pan ahung lan ahi.

Chule KBC Office lam a kon in jong Office Secretaries hon jong pan aga lao vin chule CEC Member hon jong pan ahung lao vin ahi, alangkhat na Gambih sung'a lamkai ho le TuiLang Area kiloikhom Christian Fellowship hon jong pan ahung lao vin ahi.

Pathen in Tujangvaichong Mother Church phatthei boh tahan.





NU NENGKHOLHING KHÔNGSAI HINKHO TE CHOMCHA

Nu Nengkholhing Khongsai hi Pu Letjavum Sitlhou le Jampineng kolgam Missionary te nupa chanu tah pen ahi. Nengkholhing hi apa le anu kolgam (Burma) sung Missionary jounvin ama jong jinei thei ahi tahjeh in Manipur gama Sugnu kom Uchatampak kho ah Pa Jamkhothang Khongsai toh aki cheng Ihon tan ahi.

Nu Nengkholhing Khongsai jipa Pa Jamkhothang hi Pathen houlou ahi. Ahivang in Nu Nengkholhing hin Missionary insunga hung seilen ahi jeh in alunglha dehpon ahi. Pa Jamkhothang Khongsai chu 1958 kum in Pathen hou in apui lut tan ahi. Uchatampak Houbung ahin phutdoh Ihon in, 1962-1966 sung in Houbung Pastor in ahung pang Ihon in ahi.

Pa Jamkhothang Khongsai hi 2014 kum in Pakai kom a anache masatan ahi. Nu Nengkholhing apa Letjavum Sitlhou le anu Jampineng, Thangjam Missionary natoh kithopi ding in November Iha Joujang kho ahunglhung Ihon in, Houbung ijat hamkhat atung dohlhon tan ahi. Hiche hin Mandalay a kon in Methodist Missionary Pu F.A Kinch per Chindwin Valley a kipat Missionary natoh ahin pan tan, Thingphaijang ahin phauvin ahile Pathen hou til lai ahi jeh in Methodist Mission kithopina ngaichat jeh in Hou Methodist a alut taovin ahi.

Achateni Nu Nengkholhing le anaonu chu Manipur langa ain kote ahung thahdoh taovin ahi. Khonung in Pu Letjavum Sitlhou chu Thingnel Houbung in vohchal tuh 5 in kosa le Ihansong dopihna anei un ahi.

Pu Letjavum Sitlhou le Pi Jampineng a Houbung mi adalhah tah jeh in Ihase tah le lung lengvai tah in hahsat genthei na tampi ana thoh Ihon in hiche lai tah in la khat asem chu Lathah bu 155 "Leiset chung a hin" Pu Letjavum Sitlhou le Pi Jampineng hin kolgam Burma Christian ho suhmil thei ahi poi. Pu Letjavum le Pi Jampineng muchi atu chu kolgam sunga eimi Christian jouse ahi tai.

Mantou B. Church (KCBA) hon Diamond Jubilee amang un L Jampineng le Pu Letjavum Memorial Hall asao vin KBC Memorial Hall achung khuding langva in pan akilan ahi. Pu Letjavum Sitlhou le Pi Jampineng chanu tah pen M Nengkholhing hi tuni chan in ahing nalai in atahsa kum 93 Nu Nengkholhing a-in nei pu Pa Jamkhothang Khongsai 2014 in athitan ahi le amahin meithai hinkho mang in Sugnu Tribal a atute vetsui a um ahin koitobang akithopi nom ium le ikom cha nailam cha um ahi bou ve.

Avil nom ataopih nom ium le keima phone no, a nahin bol thei uahi. Asim jouse Pathen in phatthei naboh taohen.

Keima,

Rev. Letsei Touthang, Retd. Pastor, KBC.

Pastor Kholim Local Church,Sugunu Tribal. # 6909835589



KBC PENSION TAOKHOM NA KIPANA

KBC Pension ho kum khat na 3(thum) vei taokhom na kanei jiu to kilhon in kumni sung in Pensioner ho lah a ngailut um-



tah khat le nin ei dalhah nao chung'a kamit lhi lon nao eihung theh hul peh hou chung'a Kipa Thuphon kahin nei uve. Tukum 2022 sunga Amasapen 5, April, 2022 kum sunga adam nalai chengse katao khom thei jehun Pathen kathangvah uve. Ahinla lha li(4) sung'a Pastor Holthang, 10. Feb. 2022 le Rev. D.T. Haokip 30. March, 2022 nikhon ei na dalha uvin lunghem nale puldou nan kadem uve.

Achesa 2021 kum in Pension ho mi tampin thi-na anatoh un 2021 achun taokhomna anukhah pa 16. Dec.2021 nin taokhom na kana neiniuvin kana le puldou na in kadim uve. Alang khat in Kakipa nao khat chu Kamit lhi'u theh hulding in Pathen thil gon jong hintin KBC Gambih No. 1 Mission Lamkai hon mithi thehhul na ahung nei un Abanin Rev. Dr. Konkhogin Haokip(USA) le Insung miten jong lunghem nale ka kanaoho lhemin panpi na eipeve. Aban na Pu Christopher IPS le Insung miten jong tehseho kana le puldou na ve ngam louvin thilpha ahung bolun tehse ho chunga thilpha ahung bol kit un ahi. Hitabang nga kalung hem puldou nao va thilpha bol

nale mitlhi eihung theh hulpih houchung nga kakipa nao Pathen min in kahin phong doh uve Pathen in phathei boh tao hen.

Achaina nan.

Tahsa mel in tongdonhei lou in Golngai mi pha bep in ei Mol lepsen jeng tajongleo chun Nataoh khompi Chang leh na Houbung miten lunglai gel'a melni um him him ponte.

Keima Pakai Lhacha

(Retd. Rev. Chungmang)



ADMISSIONS OPEN

FOR
ACADEMIC SESSION
2022 - 2023



**SHALOM
THEOLOGICAL
SEMINARY**

AFFILIATED TO SENATE OF
SERAMPORE COLLEGE
(UNIVERSITY)

COURSE OFFERED:

- Bachelor of Theology (B. Th.)
- Certificate in Theology (C. Th.)

More Information

- 📞 7005525033 | 9089593092 (Principal)
7005017150 (Vice Principal)
- 🌐 <http://shalomtheologicalseminary.org/downloads/>

The duly filled-in application form may be submitted to the following address:

1. Scanned copy - via Whatsapp no- 7005017150 (Vice Principal)
2. Postal Service-
*Shalom Theological Seminary
S.Lhangnomb, Kangpokpi District-795107
P.O. Motbung, Manipur*
3. Physically -at STS Academic Dean's Office (Monday Friday - 9:30 am - 3:00 pm)

For further information

Please contact : Rev. Dr. Paokhohao Haokip
Principal: 7005525033/9089593092

Pastor Ginneo Haokip Vice Principal: 7005017150

SERVANTHOOD LEADERSHIP QUOTES

“Of all the things that sustain a leader over time, love is the most lasting. The best-kept secret of successful leaders is love: staying in love with leading, with the people who do the work, with what their organizations produce, and with those who honor the organization by using its work.”

— *James Kouzes and Barry Posner in The Leadership Challenge.*

“We make a living by what we get. We make a life by what we give.” — *Winston Churchill*

“A leader is best when people barely know he exists, when his work is done, his aim fulfilled, they will say: we did it ourselves.” — *Lao Tzu*

“Twenty-first-century leadership relationship dynamics are from the bottom up rather than the top down; from the outside in, rather than the inside out.” — *James M. Strock*

“It is one of the most beautiful compensations of life that no man can sincerely try to help another without helping himself. Serve and thou shall be served.”

— *Ralph Waldo Emerson*

“If you want to lift yourself up, lift up someone else.”

Booker Washington

“The ear of the leader must ring with the voices of the people.” - *Woodrow Wilson*

“The servant-leader is servant first. It begins with the natural feeling that one wants to serve, to serve first. Then conscious choice brings one to aspire to lead.”

- *Robert K. Greenleaf*



Tahsa leh Lhagao puihingthei THUGOLHO

1. *Mihem in alunghan sungsesea hi akipana hinkho amansah ahi.*
2. *Chate sum tamtah pehho sangin phat tamtah peho anunnomjoi.*
3. *Deichat nei jeh a kingailut sangin kingailut jeh a deichat kipehto anomjoi.*
4. *Minu in acha cbu lha ko a oisunga ahin poh a, kum thum atungtun a ahin poh a hinkho lhumkeiya alungchanga apoh ahi.*
5. *Suhkhel tamtah anei nunga pan thah lah kit tei tei chu a hat ahi.*
6. *Mi kimkhat lolhin nikho chu kiletsah nikho ahin kimkhat dingin japi kipana nikho ahi.*
7. *Lamkai luihon lamkai ngah je ahet uva lamkai thahhon miluiho jabol je ahet diu thilpha ahi.*
8. *Jou le nal a tohkhom sangin thutah a kikhen aphajoi.*
9. *Hou na tonghon pulpit chunga jukhamho thu asei uva jukham hon kailhang dunga hou na tongho thu asei khang chu ahitai.*
10. *Eihin ngailu pen hi ngailut mama ahibouve.*



Kuki Christian lah a

AMASAPENHO

- 1986 kum in Pantha houbung mun a KBC Men Fellowship masapen ana kibol e.
- 1977-83 sung in Pu S.N. Gangte (KBC) chun KBC/KCA-CEE-FU Secretary masapen a anapo e.
- 1992 kum in Rev. Yangthong Haokip in KBC natongho laha "Voluntary Pension" masapen ana kilah e.
- 1990 kum in Rev Seikholet Singson chu KBC Secretary-ho lah a amasapen in Pension anakisoltai.
- Miss Nemneikim Vaiphei chu KBC natong numei lah a B.D.M. Th. Ph. D. chai masapen ahi.
- 1997 kum a Rev Seikholet Singson in Ms Nemneikim Vaiphei Ordain ana bol chu KBC natong Numei Ordained kibol maspen ahi.
- 1981 kum Rev. Hawngam Haokip KBC sung a amasapen in USA-Southern Baptist Theological Seminary a Doctor of Ministry (D.Min) ana chai in ahi.
- 1980 kum apat in KBC a "Self Reliance Scheme" ana kisem-doh e.
- KBC Office a Cashier post a appointment kibol masapen Mr. Onkhothang Haokip ahi.





Pu Rev. Doungul Thenkothang Haokip



Ngailut umtah le it umtah Pu Rev. D.T. Haokip Former General Secretary KBC in hetman lou le gelphah louva eina dalhah jeng u hi lunghim athom hao lheh jeng in ahi. Adam lai ja Pakai ja ding le Kuki Baptist Convention adia alung leatha ana to na ho le pan ana lah naho jouse aman tam lheh jenge.

Hijong le pelthei lou Pathen thilgon dungjui jin tuni Nisim 30/03/2022 nin anat thoh gim nale aleiset kholjin chajin angailut a insung mite le Kuki Baptist Convention Houbung mite eina dalhah tao ve.

Pu Rev. DT. Haokip Hinkho Thusim lah chom:

Pu Rev. D.T Haokip hi 1950 kum chun Chassad khopi a ana peng in ahi, Ama hi Pa Tongdem le Nu Ngailhai Chapa te lah a ali chan na ahin, hinlah vangset umtah in apenkhom pi asopi pasal thum chun aneo lai un ana thisan tao vin, khonung'a ama hi Anu le apa adia Chapa tahpen din mun hung chang kha ah ahi.

1967 kum chun Kulbung Baptist Church mun nah Pastor Lalkokhup khut in Baptize ana chang in ahi.

Nisim 03 February 1978 kum chun S. Gangpijang Baptist Church mun ah Rev. S. Singson, Founder KBC, Minister hinan Hinkho a achenkhom pi dia ana deilhen, A inneipi Nu Hikhonem @Hoikho Haokip, D/O Pu Jamthang Haokip le Pi Hatdom Gamnomphai Haosapu chanu toh Janggop na ana nei jin ahi.

Pathen Goupeh Chapa nile Chanu ni ana nei Ihon in hinlah vangset umtah in 1983 kum chun achapa ngaitah D. Seikholen Haokip chun ana

mollemesen taovin ahi, tu adam nalai a Chapa lenpen Mr.D.Minthang Haokip le achanu te ni in jong jile cha aneigel cheh tao vin ahi.

THEMJILNA:

Class X Kangvai Secondary School CCpur
 PU 1st Year-2nd Year Churachanpur
 B.Th 4 Year Degree Course ETC Jorhat Assm
 BD 3rd Year Degree Course Jorhat Assam

ADAM LAIJA PATHEN NA ANATOH NA HO:

1969-1974 kum chun KBC/LKBA Gambih 4 Youth Secretary ana pon ahi

1970-1973 kum chun KBC/LKBA Association Choir Director in ana pang in ahi.

1973&1974 kum chun KBC Central Choir Member in ana pang in ahi.

1982 Kum chun KBC General Assembly in KBC Worker ding in appointment ana bol uvin ahi.

1982-1987 Kum chun KBC Mission School Moreh Head Master in ana pang in ahi.

1988-1991 Kum chun KBC Youth Secretary in ana pang in ahi

1992-1991 Kum chun In-Service Training in BD sim in ana kal song in ahi.

1995 Kum chun Youth Secretary avellin ana po kit in ahi

1996-1999 kum chun KBC Centre Church Newlambulane ah Church Pastor in ana pang in ahi.

2000-2001 Kum chun KBC Finance Secretary ana po kit in ahi.

2002-2005 Kum chan chu KBC General Secretary ana po in avaihom them na akitah lang jinge.

2006-2011 Chan chu KBC Centre Church Kangpokpi a Pastor in ana pang in hiche mun na chun Pakai lenggam na atoh na KBC a kon in pension ana kipe tan ahi.

2010 Kum chun KBC Supernannution Pension (Retirement) ana hitai.

KBC COMMITTEE CHOM CHOM MA APAN NAHO:

2008-2009 Chan chu KBC Finance Committee Member in ana pange.

2010-2015 Ordination Committee Member in ana pang in ahi

2016-2019 Pastoral Committee Chairman in ana pang in ahi.

Rev. DT Haokip hi mi lungneng tah le Pathen ging jing pum ma hinkho mang le mi kitah tah hinkho ana mang jing chu ahi, Aman hetman louva ei dalhah jeng u hi KBC a din athom hao lheh jeng in ahi



PAKAI LENG GAM A DIA ATHA NEI NA JOUSE ANA PE CHAI



Pu Retd. Pastor Holthang Mollem ta

Pakai ja dia ahinkho jong it chalou Pu Retd. Pastor Holthang Haokip, chu tahsa dam mo na ahin nei phatchom khat akijen jou vin atahsa dammo na akon in dam doh jou ta lou vin angailut aji achate, chule Houbung mite dalhan Nisim 10/02/2022 nikhon Pa kom ma chol du din aleiset nat nale gimna jouse dalhan choldu din ana che masa tai.

Nisim 11/02/2022 nikhon Rev. Tonglet Haokip, KBC President in alongdam sa chu vuina ana nei tan ahi.

Chule KBC min in Ngailut nale homtho na vetsah na nampon loupi tah Saipikhup khat in khu na jong ana kinei jin ahi.

Pu Retd. Pastor Holthang Haokip, hi mihang san, mi kitah, chule mi-gun chu umthim thei lou va Pathen thu a ngol jeng mi khat ana hi, chule ajo chan na tao na mang jing le mi phatthei boh chan nadia jankho vah chan hijong le tao ngap chajing Pakai lhacha vetjui thei um tah chu ahi.

Adam lai le ahatlai nikho a Pathen a ding le adeh a KBC Worker khat ahina a Kuki Baptist Convention Houbung mite dia ana toh doh ho jouse suh mil jou ahipoi.

Hijong le Pathen thutep molso a tahsa thina gal jouvin thikit na um talou Pakai khopi mun jon in eina dalha tao vin ahi. Pathen in adalhah insung mite le KBC Houbung mite jouse lhagao va kon lungmon na eipe tao hen.

UMS STUDIO chu Pakai Lhacha
Rev. Dr. M. Thongkhosei Haokip,
General Secretary KBC in, tunin
KBC Office mun na Pa Pathen
Chapa Pathen chule Lhagao
Theng Pathen min in Ihandoh
na le kat doh na chu ainei tai.





22nd March 2022 nin Pu Paothang Haokip L.Jiangnomphai Gambih No.7 Chairman Men Department in Lom Resource Centre munna tudingin Kiwi theiphung acha le anu agom in tumasanga shinpehtoh agom in phung 100 jakhat ahinpen ahi. Kiwi phung khat hi alhangpia amanhii Rs 500/- ahichule atanading dangka sangni jong ahinpeh than achunga kipana saengtah Convention Men Department thalhengin kahin phonge pathen in amale insung mite phatthei boh jingtahen.

Gl. Tongminthang Kipgen,Nepal missionary ading'a a houbungmi c/c Saleim Sapormeina in vailhah na prog.kimanchah na limlah naho ahi.



Post Regd. MNP/81
Regd. No. 18134/88



Phat masa a ana umkha naikou Events eiho Convention a ding a tongkhom ho nikho "Workers' Day" chu mun phabep a ana kimang tan, Chito Ihon chun Kangpokpi Centre Church ten kilom teh in Pakai langgam a tongkhom ho taopeh nale thilpeh ana bolpah un ahi.

If undelivered, Please return to
The Editor, KBCCThuso

Koh Baptist Convention
Opp. DM College, Imphal - 786001
Contact : 9862633173